



Broj: 05/03-19-328-13/24-31
Sarajevo, 06.03.2024. godine

KANTON SARAJEVO
SKUPŠTINA KANTONA SARAJEVO
N/r Predsjedavajućeg Skupštine

Predmet: Odgovor na zastupničku inicijativu zastupnice Sanela Klarić – dostavlja se
Veza: Akt Skupštine Kantona Sarajevo broj: 01-04-328-13/24 od 14.02.2024.
godine

Dana 22.02.2024. godine Ministarstvo komunalne privrede, infrastrukture, prostornog uređenja, građenja i zaštite okoliša zaprimilo je od strane Skupštine Kantona Sarajevo zastupničku inicijativu zastupnice Sanela Klarić u skladu sa članom 106. Poslovnika Skupštine Kantona Sarajevo. Zastupnička inicijativa glasi:

„Na osnovu člana 213. Poslovnika Skupštine Kantona Sarajevo („Službene novine Kantona Sarajevo“, broj 41/12, 15/13, 47/13, 47/15, 48/16, 9/20, 14/20 i 16/22), upućujem inicijativu Vladi Kantona Sarajevo, Ministarstvu komunalne privrede, infrastrukture, prostornog uređenja, građenja i zaštite okoliša, Zavodu za razvoj i planiranje KS i Zavodu za izgradnju KS da se u pomenutim zavodima obezbijedi izgradnja kapaciteta uposlenih za energetsko certificiranje i zeleno certificiranje objekata.”

ODGOVOR:

Vežano za dostavljenu zastupničku inicijativu, obavještavamo Vas da Ministarstvo komunalne privrede, infrastrukture, prostornog uređenja, građenja i zaštite okoliša nema nadležnosti na sistematizaciji radnih mjesta u Zavodima, a osnivačkim aktima definisani su poslovi iz nadležnosti navedenih Zavoda.

Kako je zastupnička inicijativa upućena i Zavodima, Ministarstvo nema obavezu da isto učini. Rukovodioci Zavoda mogu dati adekvatan odgovor da li im nadležnosti omogućavaju proširenje poslova na poslove energetskog certificiranja, kao i da li imaju trenutno uposlenike, u skladu sa Uredbom o uvjetima za davanje i oduzimanje ovlasti za obavljanje energijskih audita i energijsko certificiranje zgrada, koji bi mogli proći obuku za dobijanje ovlasti od ministra Federalnog ministarstva prostornog uređenja za vršenje enrgetskog certificiranja.



Ovdje je vrlo bitno napomenuti da iz zastupničke inicijative ostaje nejasno ko bi snosio troškove energetskog certificiranja objekata, obzirom da je evidentno da etažni vlasnici ne obezbijeduju dovoljna sredstva kako bi sanirali oštećenja na objektima. Kroz realizaciju Modela povećanja energetske efikasnosti na objektima individualnog i kolektivnog stanovanja konstatovano je da su vlasnici individualnih objekata pokazali veliku zainteresovanost za povećanje energetske efikasnosti, dok etažni vlasnici u kolektivnom stanovanju nisu pokazali zainteresovanost, te je malo vjerovatno da bi obezbijedili sredstva za energetsko certificiranje objekata.

S poštovanjem,



Dostaviti:

- ① Predsjedavajući Skupštine Kantona Sarajevo
2. Služba za skupštinske poslove + CD
3. Sekretar Vlade Kantona Sarajevo
4. Evidencija

